

Center da cumpetenzza per fisioterapia

Scuol A partir dals 1. lügl exista nouv suot il têt dal Center da sandà Engiadina Bassa (CSEB) ün center da cumpetenzza per fisioterapia. Sco cha Joachim Koppenberg, directer da l'ospital e president da la direcziun, scriva in üna comunicaziun, vegnan sports servezzans da fisioterapia a l'ospital, la Clinica curativa, i'l Bogn Engiadina ed illa chasa da fliamaint Chasa Puntota in möd coordinà ed our d'ün man.

Il servezzan cumünaivel saja gnü elavurà d'ürant ils ultims mais suot il nom da proget «physiofit 2021». Ils böts dal servezzan nouv sun da concentrar il persunal specialisà e da nüzziar sinergias organisatoricas

per optimar la sporta per paziaintas e paziaints. Intant cha las squodras da fisioterapia da l'ospital e dal Bogn vegnan unidas, restan ils lös mantgnüts e dafatta schlargià pella Chasa Puntota. Nouv vegnan coordinats ils termins da fisioterapia a l'ospital adonta chi resta in vigur eir ün post local da contact i'l bogn. Manà vain il nouv center da cumpetenzza dad Elke Cloet. Othmar Fries, chi d'eira lösch manader da la fisioterapia a'l Bogn Engiadina Scuol, es rimplazzant da Cloet. Il center spordscha tenor la comunicaziun raduond 20 diversas terapias. (pd)